



Handwritten numbers on a small white label: 388 and 2. There is also some faint red text above the numbers, possibly '388' or similar, and a red rectangular stamp or mark below the label.



門中武
第 588
卷 2

醫便卷二



春月諸症治例

內經曰春三月此謂發陳天地俱生萬物以榮夜臥
早起廣步於庭披髮緩形以使志生生而勿殺予而
勿奪賞而勿罰此春氣之應養生之道也逆之則傷
肝夏為寒變奉長者少○大法春月天氣上升人氣

海陽

張受孔心如父

姚學顏伯愚父

重訂



亦上升應之故春月諸症宜吐發散升提不宜降下
 通利蓋吐即古之宣劑今人謂宣為瀉者誤也春月
 肝膽木氣用事木旺則土虧故脾胃土氣受邪宜抑
 肝補脾藥為主清肺養心藥佐之隨症施治全在活
 法虛則補之實則瀉之寒則溫之熱則清之高者抑
 之下者舉之以平為期餘皆倣此今將春月諸症宜
 用方法詳陳于左對症施藥權而用之母膠柱而鼓
 瑟始可以言醫矣故曰醫者易也

芎芷藿蘇散四九 治春初人事勞擾饑飽失節或解

衣沐浴觸冒風寒致成內傷外感頭疼發熱嘔吐
 眩悶膈脹痛惡食或鼻流涕欬嗽生痰鼻塞聲
 重竝宜服一二劑即愈仍忌腥葷三五日

川芎	錢一	白芷	分八	細辛	分五	乾葛	錢一
甘草	分三	紫蘇葉	錢一	藿香	分八	半夏	錢一
陳皮	分八	蒼朮	錢一	枳殼	分七	桔梗	錢一
淡豆豉	分八	姜製	分八	去穢	分七		
去蘆	分七	用亦	可				

右用姜三片葱白一根水一鍾半煎八分食後熱

服有汗不用葱白○單內傷無外感單外感無內

傷各有本條○頭痛不止加藁本八分○嘔吐不止

加乾姜炒砂仁炒各七分○發熱或潮熱不退加柴胡

黃芩各一錢○胸膈脹悶加山查枳實各一錢○發而

汗不出熱不退加麻黃半錢葱白二根○欬嗽生痰

加杏仁前胡金沸花去梗各八分南五味子五分

芎蘇香葛散十五治春月感冒傷寒及山嵐瘴毒癘

氣人感觸之頭疼身痛惡寒發熱人迎脉浮大者是

紫蘇葉去梗一錢香附炒白茯苓去皮乾葛

藿香半夏製前胡去蘆陳皮各八分川芎各八分

白芷去蘆各七分甘草三分蒼朮一錢五分

羌活一錢

右用姜三片葱白連鬚二根水二鍾煎一鍾熱服厚被覆汗出為度無汗再服忌雞魚猪羊肉

九味羌活湯 五

解利春夏秋傷寒熱病極穩

羌活 錢一

防風 錢一

蒼朮 錢一

川芎 錢一

黃芩 錢一

白芷 錢一

甘草 錢五

細辛 錢五

生地黃 錢一

用亦効

右用姜三片葱白一根水二鍾煎一鍾熱服以汗

為度無汗再服○汗原多去蒼朮加白朮 錢一 ○渴

加石膏 錢一

○熱甚加柴胡山梔 錢各一

○胸膈脹悶

加枳殼桔梗 各七

分

六神通解散 五

二

治春末夏初傷寒并時行熱病發

表甚捷凡瘟疫初起預用藿香正氣散煎一大鍋

每人服一碗以防未然若已病用前九味羌活湯

并此服之皆有奇効

麻黃 去根節

錢一

防風 錢半

黃芩

石膏 細末

滑石 細末各

錢半

蒼朮 錢四

甘草 錢一

右用姜三片葱白五寸淡豆豉五十粒水二大鍾

煎一大鍾熱服微汗周身即解一云南方春夏用

防風秋冬用麻黃北方春夏依本方秋冬倍麻黃

芎芷香蘇散

三五

治春月傷風鼻塞聲重或流清涕

欬嗽痰壅氣逆人迎脉浮緩者是

川芎

白芷

蘇葉

紫者去梗

香附

各一錢

陳皮

防風

羌活

各八分

甘草

五分

右用姜三片葱白三寸水一鍾半煎八分食後熱

服有痰加半夏一錢欬嗽加杏仁桑白皮

各八分

五味

子十粒

加減藿香正氣散

四五

治非時傷寒頭疼憎寒壯熱

痞悶嘔吐時行疫癘山嵐瘴瘧不服水土等症

藿香

一錢五分

白芷

川芎

紫蘇葉

半夏

蒼朮

各一錢

白朮

白茯苓

陳皮

厚朴

姜製

各八分

甘草

二分

右用姜三片棗一枚水二鍾煎一鍾食遠熱服

加減補中益氣湯

五五

治飲食勞力讀書刻苦勤政

傷神饑飽失時症類瘧狀發熱頭疼惡寒身強體

痛苦勞極復感風寒則頭疼如破全似外感傷寒之症誤用發表之藥鮮不傷人故東垣先生發內外傷辨首用此方取濟甚衆蓋內傷之脉右手氣口三倍大於左手人迎東垣辨法甚詳茲不復贅

人參 一錢半 去蘆

黃芪 一錢半 蜜炙

白朮 一錢

當歸 一錢 酒洗

甘草 炙七 分

陳皮 八 分

升麻 五 分

柴胡 五 分

加半夏 一錢 二分

黃柏 八 分

伏神

棗仁

貝母

甘枸杞 各一錢 二分

按此方用升麻柴胡能升提陽氣下陷蓋柴胡能使胃中之清氣左旋而上達升麻能使胃中之清氣右旋而上升有此妙用人多不考

右用姜三片棗一枚水二鍾煎八分食遠服或加黃柏五分以救腎水而瀉胃中伏火尤妙如身大熱只一服氣和微汗而愈

夏月神短加麥門冬五味子○口乾加葛根○身

刺痛乃少血加當歸○頭痛加川芎蔓荊子頭頂
痛加藁本細辛諸頭痛并用此四味○有痰加半
夏生薑○欬嗽春加川芎佛耳草夏加黃芩麥門
冬五味子秋加黃芩麻黃金沸草冬加欬冬花馬
兜苓久嗽乃肺中伏火去參芪○飲食不下乃胃
中有寒或氣滯春加青皮陳皮木香冬加益志仁
草豆蔻仁夏加芩連秋加檳榔砂仁○心下痞加
枳實黃連白芍藥○腹脹加枳實木香砂仁厚朴

天寒加姜桂○腹痛加白芍藥灸甘草有寒加桂
心夏月加黃芩甘草芍藥冬加半夏益志仁草豆
蔻○脇痛加砂仁柴胡甘草白芍藥○如臍下痛
加熟地黃不止乃是寒加官桂○脚軟加黃柏防
已

附子理中湯

五

治房勞內傷寒邪中陰面青腹痛

六脉沉微無頭疼無大熱者宜用若陽厥并陽症
似陰悞服必致天人慎之慎之

人參 去蘆二錢半

白朮 土炒二錢

甘草 炙一錢

乾姜 泡二錢

附子 生二錢

倍甘草去參朮各四逆湯加川烏鹿茸 各一名三錢半

建湯若在疑似只以灸法并熱鹽熨甚穩

右用水一鍾半姜五片煎七分溫服

飲食內傷亦頭疼發熱胸膈嘔吐俗呼夾食傷寒兩寸脉弦緊右關脉洪大關沉濡者是此當分治不可混一蓋飲者水也傷無形之氣食者物也傷有

形之血

生姜五苓湯 七五

治大飲冷水傷脾過飲酒而傷氣

生姜 猪苓 澤瀉 白朮 白茯苓 半夏

枳實 各一錢 甘草 三分

右用水一鍾半煎七分溫服取小汗此治傷飲之

輕者若重而水蓄積為脹滿者本方去甘草加大

戟 長流水煮三次去皮晒乾七分 芫花 醋浸炒乾 甘遂 麩包煨去麩 黑

牽牛 研末二錢 檳榔 一錢 用水二鍾煎一鍾空心服利水

盡即愈

半夏神麴湯

五入

治過食寒冷硬物及生瓜果致傷

太陰厥陰或嘔吐痞悶腸澀或腹痛惡食此治傷

之輕者

陳皮

錢一

白朮

錢一分五

半夏

錢一分二

乾姜

錢八分炒

神麴

錢一炒

三稜

錢一炒醋

菝葜

錢一炒醋

白茯苓

錢一炒去皮

山查

錢一核去

枳實

錢一炒各

砂仁

錢七分炒

麥芽

錢八分炒

右用姜三片煎熱服不拘時

神保丸

五九

消一切生冷積滯此治傷之重者

全蝎

錢十乾者

木香

錢五分

胡椒

錢二分

巴豆

錢四十九殼皮心膜去

右三味為末入巴豆霜和勻炊餅為丸如麻子大

硃砂為衣每服五十九隨症調飲冷下按此丸北

人甚効南人斟酌用之小兒二丸

枳實青皮湯

十六

治食熱物過傷太陰厥陰嘔吐膨

脹下痢

白朮半一錢 枳實 青皮 陳皮 黃連姜汁炒

麥芽 山查肉 神麩炒各一錢 甘草三分

酒大黃一錢七分

石用水二鍾煎一淺鍾溫服此傷之輕者傷重用

後方

萬病遇仙丹六一 治濕熱內傷血分之重者

黑牽牛一斤半生半炒取頭末五兩 大黃酒浸晒乾 三棱

莪朮 猪茅皂角去弦子 茵陳 枳殼去穰

檳榔各四兩俱生 木香一兩

右為細末用大皂角打碎去子煎濃湯去渣煮麩糊為丸如菉豆大每服實而新起二錢虛而久者一錢白湯送下小兒各減半食積所傷本物煎湯下○大便不通麻仁湯下○小便不通燈心木通湯下隨病輕重加減調引

加味小青龍湯六二 治春初寒邪傷肺欬嗽

乾姜炒黑 細辛 麻黃 桂枝 甘草各五分

白芍藥 五味子各一錢 半夏姜製一錢五分 枳殼

桔梗各五分 白茯苓 陳皮各八分

右用姜三片水煎食少時稍熱服

升麻葛根湯三六 治大人小兒時氣瘟疫發熱頭疼

及瘡疹已發未發疑似之間竝宜服之極穩

升麻 葛根 白芍藥各一錢半 甘草一錢

右用姜三片葱白三寸水一鍾半煎七分食遠服

頭疼加川芎白芷各一錢 ○身痛背強加羌活防風

各一錢 ○發熱不退春加柴胡黃芩各一錢五分 防風一錢

夏加黃芩一錢五分 石膏二錢五分 ○咽痛加玄參桔梗各一錢

○頭項面腫加防風荆芥連翹白芷各一錢半 石膏

三錢 牛旁子川芎各一錢 ○小兒麻疹加防風連翹各一錢

○痘疹未發依本方已發屬熱加連翹紫草各一錢

○大人遍身癩疹加防風蒼朮各一錢半 牛旁子蒼

耳子浮萍草各一錢

防風通聖散四六 通治諸風濕熱瘡毒時行熱病

防風 川芎 當歸 白芍藥 連翹 薄荷

錢 荆芥穗 白木 山梔 黃芩 桔梗

各一錢半 石膏一錢 滑石三錢 甘草五分

右用姜三片水二鍾煎一鍾食遠服此方內大黃

芒硝麻黃對症漸加風熱內甚欲下加大黃芒

硝二錢○風濕熱在表欲汗加麻黃二錢葱白三根自

利體寒去硝黃自汗去麻黃加桂枝春夏八分 秋冬一錢常

用依本方

加味治中湯五六 治春月肝木乘脾腹痛久瀉不止

人參一錢半 白朮陳土炒 二錢半 白芍藥醋炒 一錢五分

甘草炙 一錢 青皮去穢 炒七分 陳皮去白 一錢 乾姜

炒黑 一錢 蒼朮麩炒 一錢半 升麻五分 柴胡五分 防風

五分 白茯苓一錢 久瀉虛寒加熟附一錢

右用姜三片加大棗二枚水二鍾煎一鍾食前服

人參敗毒散六六 治感冒非時傷寒頭疼身熱拘急

憎寒壯熱及時行瘟疫熱毒

人參一錢 羌活一錢半 獨活一錢 柴胡一錢二分

前胡一錢 葛根一錢 甘草五分 桔梗 枳殼

茯苓各八分 川芎 蒼朮各一錢

勞役得病倍用人參加白朮當歸白芍藥去獨活前胡○飢饉兵亂之餘飲食不節起居不常致患時行瘟熱病沿門闔境傳染相似宜此方加白朮黃芪生倍人參去前胡獨活甚効○若多服未効而有寒熱往來者必用小柴胡湯不拘服數並無

過失○又有一種蝦蟆瘟病使人痰涎風壅煩熱頭疼身痛嘔逆或飲食起居如常但效聲不響續續相連儼如蛙鳴故俗號曰蝦蟆瘟也嘉靖己未五六月間江南淮北在處患動數百里皆同甚至赤眼口瘡大小腮腫喉閉風壅噴嚏涕唾稠粘並用此方去茯苓桔梗獨活加青皮陳皮白朮藿香但以荆芥為引不用生姜薄荷一二服即愈

治時行熱病單方附前 歌曰

人間治疫有仙方

一兩姜蚕二大黃

姜汁為丸如彈大

并花調服便清涼

治瘟疫不相傳染方

六方七

赤小豆不拘多少以新布囊盛放井中浸二日取出舉家各服二十一粒不染試効

凡入瘟疫之家以麻油調雄黃末塗鼻孔中或預飲雄黃燒酒一二杯然後入病家則不相傳染既出則以紙燃探鼻深入令噴嚏為佳

神木散

六方八

治閩廣山嵐瘴氣不伏水土等症

厚朴

一錢半

蒼朮

二錢半

陳皮

一錢半

甘草

一錢

石菖蒲

一錢

藿香

一錢半

右用姜三片棗一枚煎服

一方用香附

一錢半

代菖蒲名神木散氣散尤妙

紫金錠即萬病解毒丸

六方九

治山嵐瘴氣并嶺南兩

廣蠱毒若從宦於此纔覺意思不快即服一錠或吐或痢隨手便瘥又誤中一切毒物若牛馬六畜

中毒亦以此藥解之

山慈姑

此味與老鴉蒜相似但蒜無毛而此上有毛包宜辨真去皮焙乾淨末二兩

千金子

一名續隨子去殼研去油二兩

紅芽大戟

一名紫大戟江南者佳形如甘草而堅不可用綿大戟焙乾淨末二兩半

麝香

三錢另研

一方有雄黃五錢無亦効

右爲末以糯米打糊和勻搗千餘下一方印作四十錠每服半錠水磨服一切腫毒磨塗患處須臾

冬至端陽七夕重陽日天月二德天醫日洒掃淨室焚香至誠修合無不靈驗忌婦人雞犬孝子見

發散傷寒單方七

凡遇傷寒倉卒無藥不問陰陽二症只用生姜一兩葱白十莖好酒二大鍾煎一大鍾去渣熱服被蓋周身汗透卽解勿令汗太過忌大葷五七日春

秋依此本方夏月姜葱減半冬月倍用若加黑豆二合同姜葱煎服冬月尤妙

發散傷風單方

附前

用紫蘇葉二錢油核桃五箇打碎姜三片葱白二根水二鍾煎一鍾熱服微汗卽解夏月不用葱按此二方極効出路荒僻無醫之處甚便

夏月諸症治例

內經曰夏三月此謂蕃秀天地氣交萬物華實夜臥早起無厭於日使志無怒使華英成秀使氣得泄若所愛在外此夏氣之應養長之道也逆之則傷心秋

爲痲瘡奉收者少冬至重病○大抵夏三月天氣蕃育陽氣發越於外陰氣伏藏於內是故夏月諸症宜補陰養陽蓋脾胃喜溫而惡寒食忌瓜果水水禁禁純用寒涼先哲每於諸涼藥中必加炮姜正此意也蓋夏月心小腸火用事肺大腸金受傷孫真人製生脈散於夏月救天暑之傷庚金金清則水得以滋其化源其旨微矣東垣推廣其意製清暑益氣湯專以胃氣爲本蓋土旺而金自榮不爲火所製脾胃旺自

能健運榮養百骸暑濕之邪自不能于矣今將夏月
合用諸方詳陳於左對症活用無執一也

夏初春末頭疼脚軟食少體熱精神困憊名曰注夏
病屬陰虛元氣不足宜用此方治之 七十

黃芪 各一錢 人參 各一錢 白朮 半一錢 甘草 炙五分

陳皮 當歸 白芍藥 黃柏 各八分

麥門冬 一錢 五味子 九粒

右用水一鍾半姜一片棗一枚煎服有痰加半夏

生脉散 二七 止渴生津救天暑之傷庚金夏至後宜

常服之

人參 半一錢 麥門冬 二錢 五味子 一錢

右用白水煎服

益原散 三七 治暑月身熱小便不利此藥性涼除胃

腕積熱又淡能滲濕故利小便而散濕熱也

桂府滑石 六兩 甘草 一兩

右各為末和勻每服三五錢新汲水調下

夏月身熱汗出惡寒而渴者名曰中暍此方主之

人參白虎湯七

石膏四錢

知母二錢

粳米三錢

人參一錢半

甘草一錢

右用水一鍾半煎服

夏月發熱惡寒身重疼痛小便澀洒然毛聳手足逆冷小有勞身即熱口開前板齒燥脉弦細虛遲此表裏中暍也用補中益氣湯加香薷扁豆有熱加黃芩

黃連

方見春類

黃連香薷飲七

治傷暑腹痛自汗惡心或吐或瀉

身熱

香薷

錢一

厚朴

白扁豆

炒

黃連

各一錢

甘草

炙五分

右用水二鍾煎一鍾放冷徐徐服挾痰加半夏南

星

各一錢

○若虛加人參黃芪

各一錢

清暑益氣湯七

六

治長夏濕熱蒸人人感之則四肢

困倦精神減少懶於動作胸滿氣促肢節疼痛或
氣高而喘身熱而煩心下膨悶小便黃而數大便
澹而頻或痢或渴不思飲食自汗體虛

黃芪

蒼朮

炒

升麻

人參

白朮

各一錢

神麩

陳皮

澤瀉

麥門冬

各五分

甘草

炙

黃柏

酒炒

當歸

各四分

五味子

十粒

葛根

二分

青皮

炒

右用姜二片棗一枚水二鍾煎一鍾食遠服

天和湯

七

治心脾不調氣不升降霍亂轉筋嘔吐

泄瀉寒熱交作痰喘欬嗽胸膈痞滿頭目昏痛肢

體浮腫嗜臥倦怠小便赤澀并傷寒陰陽不分冒

暑伏熱煩悶或成痢疾中酒煩渴畏食并婦人胎

產嘔吐

砂仁

七分

半夏

一錢

杏仁

人參

赤茯苓

厚朴

白扁豆

藿香葉

各八分

白朮

一錢

木瓜

蒼朮

各五分

甘草

三分

右用姜三片棗一枚水二鍾煎一鍾食遠服

附
霍亂吐瀉始因飲冷或冒寒或大饑或大怒或乘舟車馬傷動胃氣而致若心痛則先吐腹痛則先痢心腹齊痛吐痢並作名曰霍亂其症頭旋暈手足轉筋四肢逆冷用藥稍遲須臾不救若誤飲食立死治宜溫藥解散腹痛面青不渴為寒腹痛燥渴面赤為熱急無藥時熱用鹽打井花水多飲寒用吳萸木瓜食鹽各五錢同炒焦先煎水三碗

令百沸入藥同煎至二碗隨飲藥入即甦定後服

前六和湯寒加乾姜熱加黃連

各一錢

附
濕之一症有自外入者有自內得者陰雨濕地皆

從外入宜汗散久則疎通滲泄之過食生冷濕麵
滯酪或飲酒其症腫滿皆自內而出也宜實中宮
淡味滲泄利小便為最若濕腫脚氣亦當汗散

加味胃苓半夏湯

七

治諸濕隨症加減用

陳皮

八分

白朮

半夏

茯苓

各一錢

酒苓

羌活各八分 蒼朮一錢半 甘草四分

右用姜三片水煎服○濕在上倍蒼朮濕在下加

升麻入內濕加猪苓澤瀉各一錢 桂少許 中焦濕與痛

有實熱者加黃連木通各一錢 肥白人因濕沈困怠

惰是氣虛加人參黃芪各一錢 倍白朮黑瘦人沈困

怠惰是濕熱加白朮黃芩酒炒白芍藥各一錢

山精丸七九 健脾去濕息火消痰養血方見滋補類

附 薏苡仁粥方見養老類

泄瀉有五不可例治瀉水腹不痛者濕也飲食入

胃不停完穀不化者氣虛也腹痛水瀉腸鳴痛一

陣瀉一陣火也或瀉或止或多或少者痰也腹痛

甚而瀉瀉後痛減者食積也當隨症加減而分治

之

加味胃苓湯八 治諸瀉依後加減用

陳皮炒一錢 蒼朮米泔浸去皮切片日曬乾鹽水炒一錢半 黃芩

澤瀉各一錢 白朮陳土炒一錢半 白芍藥酒炒一錢半

猪苓

八分

赤茯苓

八分

桂

二分

黃連

姜汁炒 八分

半夏

姜汁炒 一錢二分

甘草

五分

右用水二鍾姜三片燈心一分煎八分空心溫服

泄瀉注下如水本方加蒼朮車前子倍加白朮為

末空心米湯調下煎服亦可○濕熱甚肛門如熱

湯者本方去桂加滑石末

二錢

倍黃芩

一錢

山梔

炒 一錢

木通

八分

○腹中痛下泄清冷喜熱手盪熨口不燥

渴者乃寒瀉也三倍桂加肉豆蔻

麩包煨 一錢

病甚者

加丁香製附子

各八分

作丸服○如久瀉穀道不合

或脫肛此元氣下陷及大腸不行收令故也用白

木芍藥神麩

俱炒

陳皮

不去白

肉豆蔻

煨

訶子肉烏梅

五倍子

各等分

為丸以四君子加防風升麻煎湯送

下

此法試効

○如食積時常腹痛瀉積先以木香檳榔

丸或枳實導滯丸推逐之然後以四苓加厚朴蒼

朮神麩麥芽作丸服以安胃氣

二方見袖珍方內 五苓去桂名四苓

○如瀉水腹不痛者屬氣虛四君子倍白朮加黃

芪升麻柴胡防風補而提之

泄瀉日夜無度諸藥不効者用針砂地龍猪苓各等
分爲末生葱搗汁調方寸七貼臍心小便長瀉卽
止

大人小兒吐瀉日久垂死灸天樞二穴在臍兩傍各開二寸

氣海一穴在臍下一寸半中脘穴在臍上四寸半

加味香砂枳木丸八治飲食所傷脾胃不和欲作

瀉痢并七情所傷痞悶嘔吐不思飲食瀉痢後理

脾胃去餘滯此藥一運一動一補一消活法用之
極有奇効

白朮十炒二兩黑枳實蒸炒一兩半夏麴真者一兩五錢

陳皮去白一兩砂仁炒七錢半香附醋浸晒乾炒一兩

麥芽麴炒兩木香不見火五錢黃連姜汁炒冬五錢夏二兩

神麴炒一兩有痰加竹瀝半碗姜汁二盞

右爲末薄荷煎湯打老米糊爲丸如梧桐子大每
服七八十丸食遠白湯送下

參苓白朮丸

八二

瀉痢後調理脾胃極穩累効

人參 一兩五錢去蘆

白朮 土炒一兩

白茯苓 去皮兩半

甘草 炙一兩

山藥 姜汁炒一兩半

砂仁 炒一兩

薏苡仁 炒二兩

桔梗 去蘆炒兩

蓮肉 去皮心一兩半

若痢後虛弱用石連肉黃連用吳茱萸同浸半日連汁炒乾去萸一兩餘外脾胃虛弱補只

照本方

右為末晚米糊一半蜜一半和為丸如梧子大

每服七八十丸食遠白湯送下

治老少脾泄久不愈神方

附

用冬米造飯鍋巴淨末四兩蓮肉去心淨末四兩

享糖末四兩共和勻每服三五匙食遠白湯調下

一日三次鄒太湖先生傳

養脾進食丸

三八

治瀉痢後脾胃虛弱飲食減少

人參 土炒

白茯苓 各三兩

甘草 一兩半

陳皮 半夏麩

厚朴 姜汁炒各二兩

蒼朮 麩炒三兩

砂仁炒一兩半 神麴炒 麥芽炒各二兩半 木香五錢

右為細末神麴麥芽打糊為丸如梧桐子大每服五十九丸食遠白湯送下

瘧症春夏因飲食勞倦而得秋冬因傷暑而成然無痰不能作屑三陽宜汗宜吐屬三陰宜下宜溫宜分治之附

柴苓平胃湯八分 治瘧初起熱多寒少宜此方分利

柴胡半錢 黃芩 蒼朮 半夏各一錢三分 甘草三分

白朮半錢 白茯苓 陳皮 厚朴 人參

猪苓 澤瀉各八分 桂枝五分

清脾飲八分 服前方一二服不止再用此方

白朮半錢 厚朴八分 白茯苓 半夏各一錢

甘草四分 柴胡半錢 黃芩一錢二分 青皮

草果 檳榔各七分

右用姜三片棗一枚水一鍾半煎八分空心服渣再併將發時服若大渴加知母麥門冬各一錢 若不

止加常山酒炒一錢半 烏梅二個 空心五更服即止如不

止再用後方

常山飲附 截瘧神方

常山燒酒炒二錢 檳榔一錢 草果一錢 烏梅二個

知母一錢 貝母一錢半

右用姜三片棗一枚水八分酒七分煎八分露一

宿五更日未出時面東空心服渣用酒浸煎待將

發時先服立効蓋人多畏常山為吐藥而不輕用

殊不知瘧因痰作常山吐去其痰而瘧即止瘧止以後方調補

加味補中益氣湯八 瘧後調理脾胃并治餘熱

即前補中益氣湯倍柴胡一錢 加半夏黃芩白芍藥

各八分 姜棗煎服方見春類

露姜飲附 治脾胃聚痰發為瘧寒多熱少

用生姜四兩和皮帶水搗汁一碗夜露至曉空心冷服立止

咒由科八 治瘧法不問久新瘧疾一次即愈

用桃杏棗梨隨用一樣單梨亦好咒曰吾從東南
來路逢一池水水裏一條龍九頭十八尾問伊食
甚的只食瘧疾鬼先念一遍吹果上念七遍吹果
上七次令患人於發日五更雞犬不聞時面東而
立將果食之於淨室中安臥忌食瓜果葷腥熱物
此法十治可好八九

附 痢因熱積氣滯而成又夏月過傷生冷以致秋來

發痢先賢謂行血則便膿自愈調氣則後重自除
此要法也

枳殼大黃湯八 痢初一二日元氣未虛用此方下

之

枳殼一錢 枳殼半 檳榔一錢 厚朴一錢 大黃壯實五錢

八三 四錢

右用水一鍾半先煎三味至一鍾下大黃再煎二
三沸熱服得快利為妙

止痢極効方

九

既下之後卽以此方止之

當歸

赤芍藥

懷生地黃

各七分

黃連

一錢

甘草

三分

酸石榴皮

八分

栗殼

蜜炒八分

地榆

八分

右用水一鍾半煎七分食前服一服卽止

二妙香連丸

九

治赤白痢立効

木香

一兩

黃連

四兩吳茱萸二兩同浸一夜炒乾去茱萸不用

右二味爲末粟米糝爲丸如梧桐子大每服七十

丸食遠白湯下初起宜推蕩本方加大黃二兩檳榔

一以行之再以本方加肉豆蔻

雞蛋清炒一兩五錢

以止之

此謂二妙也

萬氏方治痢十法

附

凡下痢惡寒發熱身頭俱痛

此謂表症宜微汗和解用蒼朮川芎陳皮芍藥甘

草生姜三片煎○其或腹痛後重小便短此爲裏

症宜和中疎氣用炒枳殼製厚朴芍藥陳皮甘草

滑石煎○其或下墜異常積中有紫黑血而又痛

甚此爲死血症法當用搗細桃仁滑石行之或口

渴及大便口燥辣是名挾熱加黃芩或口不渴身
不熱喜熱手慰是名挾寒加姜桂其或下墜在血
泄之後此氣滯症宜於前藥加枳榔一枚其或在
下則纏住在上則嘔食此爲毒積未化胃氣未平
當認其寒則溫之熱則清之虛則用參朮補之毒
解積下食自進其或力倦自覺氣少懶食此爲挾
虛症宜加白朮當歸身尾甚者加人參又十分重
者止用此一條加陳皮補之虛回而痢自止○其

或氣行血和積少但虛坐努實此爲無血症倍用
當歸身尾却以生芍藥生地黃而以桃仁佐之復
以陳皮和之血生自安○其或纏墜退減十之七
八穢積已盡糟粕未實當用炒芍藥炒白朮炙甘
草陳皮茯苓煎湯下固腸丸三十粒然固腸丸性
燥恐尚有滯氣未盡行者但當單飲此湯固腸丸
未宜遽用蓋固腸丸有去濕實腸之功○其或痢
後糟粕未實或食粥稍多或饑甚方食腹中作痛

切不可驚恐當以白朮陳皮各半煎湯和之自安
○其或久痢後體虛氣弱滑下不止又當以藥澁
之可用訶子肉豆蔻白礬半夏甚者添牡礪可擇
而用之然須以陳皮爲佐恐大澁亦能作痛又甚
者多天樞氣海右前方用厚朴專瀉滯凝之氣然
厚朴性大溫而散久服大能虛人滯氣稍行卽去
之餘滯未盡則用炒枳殼陳皮然枳殼亦能耗氣
比之厚朴稍緩比陳皮稍重滯氣稍退亦當去之

只用陳皮以和衆藥然陳皮去白有補瀉之兼若
爲參朮之佐亦純作補藥用○凡痢疾腹痛必以
白芍藥甘草爲君當歸白朮爲佐惡寒痛者加桂
惡熱痛者加黃芩達者更能參以歲氣時令用藥
萬舉萬全豈在乎執方而已哉

附

火症有虛實輕重輕者可降重則從其性而折之
實火宜瀉虛火宜補陰虛火動難治宜滋陰降火
升陽散火湯九 治男婦四肢發熱筋骨間熱表熱

後更

卷二

三

如火燎於肌膚捫之烙手此病多因血虛而得或脾胃過食冷物鬱遏陽氣於脾土之中並治此火鬱之義也

升麻五分

葛根

羌活

獨活

各七分

白芍藥

錢一人參
夫蘆

黃芪生用各八分

甘草四分半生半炙

柴胡七分

防風

五分

右用姜棗水煎溫服

息生冷寒物此虛火宜補宜散

黃連解毒湯九

治實火燥亂煩渴蓄熱內蒸

黃連

黃芩

黃柏

梔子

各等分

右用水煎服加大黃名梔子金花丸亦治實熱火

此實火宜瀉

滋陰降火湯附

治陰虛火動起於九泉此補陰之

妙劑也

當歸一錢

川芎

五分

白芍藥

薄荷汁炒

黃芩

七分

生地黃

姜汁炒

黃柏

蜜水炒

知母

酒炒各二分

柴胡七分

熟地黃八分

麥門冬八分

右用姜一片棗一枚水煎服別以附子為末唾津

調貼湧泉穴○氣虛加人參黃芪各八分○欬嗽加

阿膠杏仁各七分五味子三分○咯唾衄血加牡丹皮

八分藕節自然汁三匙犀角末五分○此與前補陰散大

同小異詳輕重參用○玄明粉秋石皆降火甚速

宜頻用之童便亦好方竝見前

痰症屬濕乃津液所化因風寒濕熱之感或七情飲

食所傷以致氣逆液濁變為痰飲故曰痰因火動

降火為先火因氣逆順氣為要以加味二陳湯主

之九

橘紅去白一錢

半夏製

貝母各一錢半

白茯苓去皮

甘草三分

枳實炒一錢

天花粉七分

黃芩

酒炒一錢

白朮一錢二分

防風去蘆

連翹各五分

香附童便炒一錢

檳榔六分

右用姜三片水二鍾煎一鍾食遠服

半夏湯 附

消痞化痰甚捷

半夏 姜汁拌透曬乾

陳皮 鹽水微浸去白

白茯苓 各二錢

桔梗 去苗炒

枳實 炒各一錢

右用姜三片水煎食遠服或丸亦可

痰丸 九

治一切宿滯及風熱之痰

大黃

錦紋者八兩酒蒸九次

黃芩

酒浸連酒炒乾八兩

沉香

火五錢

青礞石

一兩半用煇硝一兩半用火煨如金色去硝

硃砂

天葵草伏過一兩另研

右為細末麵糊為丸如菴豆大硃砂為衣每服五

十九食後白湯或茶下

清心化痰丸 附

養心消痰降火極効

南星

一斤為末用臘月半膽五箇裝入膽內至春取出淨用十五兩

半夏

湯泡七次姜汁浸透曬乾十兩

真玄明粉

四兩用臘雪水製的

石膏

一斤用甘草四兩同煮一日去甘草曬乾十五兩

白芷

四兩米硃砂用天葵草伏三兩另研

右為末姜汁糊丸如菴豆大硃砂為衣每服八丸

十九食後白湯送下

清肺化痰丸一名祛痰丸清痰降火甚速酒客尤宜

五九

旋復花

去梗葉淨末一兩

南星

五錢姜製

半夏

五錢姜製

右先以南星半夏二味水浸夏二日秋三日冬五日取出晒乾共爲細末九月採半黃瓜萋六枚淡竹瀝一杯勻和三味共入石臼搗極爛爲薄餅先用黃蒿鋪匣內二十厚將餅安於蒿上仍用蒿覆

地下列薄三七日取出晒乾此瓜萋麩石臼搗爲細末與後開藥合用

白朮

炒

白茯苓

去皮各一兩

黃芩

酒

黃連

姜汁

炒

香附

薑製浸炒

甘草節

半生半炙

枳實

炒

五錢

晉礬

五倍

各一錢

陳皮

鹽水浸一半去白一兩

右爲末與前瓜萋麩末和勻用淡生姜汁打糊爲丸如梧桐子大每服四五丸早晚各進一服白湯下右此方出醫家必用古今痰方見効捷者無

右於此服久且能健脾胃試有奇驗痰火為害危
極者搗爛從鼻灌之無不愈者

眩運之症因虛痰火炎上故也宜清陽除眩湯主之

附

旋復花 天麻各八分 半夏製 陳皮 白朮

白茯苓各一錢 檳榔八分 人參六分 甘草四分

右用姜三片水煎食遠服

嘔吐翻胃皆屬胃虛氣逆膈上有痰亦有寒有熱宜

大半夏湯隨寒熱加減主之六九

陳皮去白一錢半 茯苓去皮一錢半 半夏姜汁製二錢半

右用水煎臨服入生姜自然汁半盞和服屬熱加

芩連各一錢半 屬寒加生姜十片同煎服時仍入姜汁

半盞屬胃虛加參朮各一錢半 服時亦要用姜汁

附

翻胃膈食之症屬氣虛右脈緩而無力者是宜入

參白朮茯苓甘草少 屬血虛左脈數而無力滯澹

者是撫芎七分 白芍藥一錢半 歸一錢 熟地黃半錢 紅花

分三氣血俱虛口中多出沫者併用前為味屬痰
 脉多滑數寸關脉沈或伏而人者是宜陳皮去白一錢
 半半夏二錢伏苓一錢甘草五錢屬熱六脉洪數有
 力者是宜黃芩黃連黃柏梔子各等分寒六脉
 沈微而遲者是宜人參白朮乾姜各一錢甘草減半
 加白豆蔻仁丁香沉香各七分並用童便韭汁牛羊
 乳竹瀝姜汁共半鍾入前藥半鍾和勻服一日服
 一次此法雖緩不犯狼燥若能清心寡欲內觀自

養服久必獲奇効

黃疸症專屬濕熱益麩相似宜茵陳五苓散主之九

茵陳三錢白朮各一錢赤茯苓各一錢猪苓一錢桂

二分澤瀉一錢蒼朮各一錢山梔各一分滑石各一分

甘草二分

右用水煎入燈心一握食遠服

秘傳棗礬丸附治黃胖累有奇効附

紅棗一斤雞肫皮四箇焙阜礬一
去核
乾為末

醞醋一碗

右為末醋煮飛羅麵為丸如棗豆大每服五十九食遠酒下

附夏月時氣瘟疫并傷寒傷風並宜十神湯隨兼症加減用

川芎 白芷 麻黃 紫蘇葉各七 乾葛一

半升麻七 欖皮 香附 芍藥各八

右用姜三片葱白五寸淡豆豉二錢半水一鍾半

煎八分熱服無汗惡寒發熱依本方○熱甚加黃

芩一錢石膏二錢○有汗去麻黃葱白

附河間先生製雙解散即防風通聖散合益原散是

專治夏月傷寒時行瘟疫熱等症隨所見症加減用之極為切當但大黃芒硝麻黃三味須對症漸加減自利去大黃芒硝自汗去麻黃葱白防風通聖

散方見益原散一名六一散方見本類前

醫便卷三

秋月諸症治例 附

海陽

張受孔心如父
姚學顏伯愚父
重訂

內經曰秋三月此謂容平天氣以惡地氣以明早臥
早起與雞俱興使志安寧以緩秋形收斂神氣使秋
氣平無外其志使肺氣清此秋氣之應養收之道也
逆之則傷肺冬為飡泄奉藏者少○大抵秋三月天

氣清肅下降人氣亦下降故秋月諸症宜下謂下泄也分
利謂利小便宜清和解不宜升散○秋月肺大腸金氣用
事金旺則木受制故有諸鬱諸氣諸痛諸瘡諸積等
症治法當隨症輕重加減治之故秋月宜培脾土以
生肺金滋腎水以養肝木養血以潤燥損其有餘益
其不足此大法也今將秋月諸症宜用之方詳陳於
左隨症活法用之母蹈實實虛虛之弊

參蘇飲九

治秋月傷寒發熱頭疼咳嗽或中脫痞

滿嘔吐痰水寬中快膈不致傷脾及感冒風邪頭
疼鼻塞憎寒壯熱名曰重傷風服之極効

人參八分

紫蘇葉

前胡

半夏

葛根

各一錢

茯苓

桔梗

枳殼

陳皮

各八分

甘草

四分

羌活

蒼朮

右口口水一鍾半姜三片葱頭一根煎八分熱服○

咳嗽加

五味子五分 杏仁七分

久嗽有肺火去人參加桑白

皮杏仁

各八分

○鼻衄加麥門冬山梔仁

炒

烏梅茅

根各一錢 ○嘔逆加砂仁五分 ○脾泄加白朮黃芪白扁豆蓮肉各一錢

氣症有九其治則一惟順與降最為要法須兼鬱治宜用十六味木香流氣飲主之此方治男婦五臟不和三焦氣壅心胸痞悶咽塞不通腹脇脹滿嘔吐不食上氣喘急欬痰盛面目浮四肢腫小便秘大便結憂思太過陰陽之氣鬱結不散壅滯成痰脚氣腫痛并氣攻肩背脇肋走注痛並宜服之

九九

紫蘇葉 當歸 川芎 青皮 烏藥 桔梗

白芍藥 茯苓 半夏 黃芪 枳實各八分

防風五分 甘草三分 木香五分 陳皮

檳榔各六分

右用水二鍾姜三片棗一枚煎一鍾不拘時溫服五磨飲子百一 治七情鬱結等氣或脹痛或走注攻

衝

木香 烏角沉香 檳榔 枳實 台烏藥

右各等分以白酒磨服

開鬱湯百 治惱怒思慮氣滯而鬱一服即効

香附童便 浸炒 貝母各一 錢半 蒼朮 撫芎 神麴

山梔炒 陳皮去白 茯苓 枳殼去穰 麩炒

蘇梗各一 錢 甘草三 分

右用姜一片水二鍾煎一鍾食遠服○有痰加半

夏南星各一 錢 有熱加黃芩黃連各八 分 柴胡一 錢 血鬱

加桃仁紅花各八 分 濕加白朮羌活各一 錢 氣加木香

五分 檳榔八 分 食積加山查神麴各一 錢 砂仁七 分

鐵瓮先生交感丹百 二 治先富後貧先貴後賤或終

身不得志抑快不得快及婦人七情鬱結師尼寡

婦抑鬱不開並効

香附童便浸高一指待七日洗 淨曬乾搗碎醋炒一斤

白茯苓去皮心四兩人乳浸 日曬夜露七日夜

右二味為末煉蜜七分神麴三分打糊和為丸如

彈子大每服一丸不拘時滾白湯化下

加味越鞠丸

百三

常服調脾開鬱思食

香附

童便浸晒乾炒四兩

蒼朮

米泔浸去皮麩炒四兩

撫芎

四兩

山梔

四兩姜汁炒

神麩

炒四兩

陳皮

去白二兩

白朮

炒一兩

山查

去子淨肉二兩

黃芩

酒炒一兩半

右為末水丸如梧桐子大每服六十九丸食後白湯

下

潮熱之症有陰陽之分平旦潮熱自寅至申行陽二

十五度諸陽用事熱在行陽之分肺氣主之宜白

虎湯瀉肺中之火日晡潮熱自申至寅行陽二十

五度諸陰用事熱在行陽之分腎氣主之故用地

骨皮以瀉血中之火蓋地骨皮瀉腎火總治熱在

外牡丹皮治心包絡之火無汗而骨蒸又能瀉陰

中伏火四物湯內加此二味治陰分潮熱極効婦

人骨蒸潮熱以逍遙散加此二味累用尤妙若氣

虛潮熱用黃芪

錢三

人參甘草

各一錢五分

甚者加熟附

分五 二三服即効蓋甘溫能除大熱也若血虛發熱

用四物湯加柴胡防風地骨皮極効 附

加味犀角地黃湯 百 治吐血嘔血衄血蓋諸失血

乃火載血上錯經妄行其脉必芤此方主之身熱

脉大者難治血症復下惡痢者易愈

犀角 鎊 生地黄 芍藥 牡丹皮 麥門冬

黑山梔仁 炒黑蕪菜根自然汁吃透各等分

右每服五錢水一鍾半煎七分溫服

一方 治吐血不止用乾姜炒黑臘月裝入牛膽內

至春取出為末每用方寸七童便調下立効此從

治也

一方 治諸失血用壯血餘燒灰存性每服二錢米

飲調下立止衄者以少許吹入鼻中妙

玄霜膏 百 治吐血虛嗽神效

烏梅 煎濃汁 姜汁 一 蘿蔔汁 四 梨汁 四

柿霜 四 款冬花 紫苑 各二兩俱為末已上藥製下聽用

另用白茯苓十兩取淨末半斤用人乳三斤將茯苓末浸入取出晒乾又浸又晒乳盡為度却將前冬花紫苑末柿霜白糖并各汁再加蜜糖四兩和勻入砂鍋內漫火煎熬成膏丸如彈子大每服一丸臨臥時嚼化薄荷湯嗽口半月即効而愈
溺血屬熱盛下焦痛者為血淋不痛者為溺血生地黃飲主之

黃飲主之百六

生地黃四錢

小蘗一錢

滑石

通草

蒲黃炒

淡竹葉

藕節

當歸

山梔

甘草稍

各五分

右用水煎空心服并治血淋

小兒溺血

附

用甘草升麻煎湯調益原散空心服

立効

清心蓮子飲

百七

治遺精夢泄赤白濁

黃連

生地黃酒洗

麥門冬

當歸

酒洗各一錢

甘草

半生半炙五分

茯苓

一錢二分

遠志

七分

酸棗仁

八分

石蓮肉

一錢二分

人參

八分初起不用

右用水煎空心服

金櫻煎丸

八百

治夢遺精滑及小便後遺瀝或赤白

濁

芡實粉

四兩

白蓮花鬚

未開者佳二兩

白茯苓

二兩去皮

心

龍骨

煨五錢

秋石

真者一兩

右藥為末聽用外採經霜後金櫻子不拘多少去子并刺石臼內搗爛入砂鍋內用水煎不得斷火煎約水耗半取出澄瀝過仍煎似稀餈和藥末為

丸如梧桐子大每服七八十九空心鹽酒下餘膏每用一匙空心熱酒調服其功不可具述

歸脾湯

九百

治思慮過度損傷心血健忘怔忡不寐

此藥解鬱結養心健脾生血

白朮

白茯苓

黃芪

當歸

各一錢

木香

三分

圓眼肉

三枚

人參

八分

甘草

炙三分

酸棗仁

炒研一錢二分

右用姜一片棗一枚水煎食遠服

自汗陽虛宜黃芪白朮湯主之

百十

黃芪

一錢半

人參

一錢

白朮

麩炒一錢一分

甘草

炙五分

分 當歸 八分

右用浮小麥一撮水一鍾半煎七分食遠服忌五

辛熱物

盜汗陰虛宜當歸六黃湯主之乃治盜汗之聖藥也

百十

當歸

生地黄

熟地黄

各一錢

黃連

炒

黃柏

炒

黃芩

炒各八分

黃芪

一錢半

牡蠣

五分

右用水二鍾煎一鍾臨臥通口服

附

耳鳴肺火盛腎氣虛宜四物湯四錢黃柏三錢童

便煎空心服

通靈丸

百十

治耳聾

松香

五錢

巴豆

二十粒

右將松香溶化入巴豆末和勻葱汁為丸如棗核大綿裹塞耳左聾塞右右聾塞左兩耳聾次第塞

醫便 卷三 九
之

治耳瘡出膿

附

白枯礬

五錢

麝香

五厘

胭脂

三分

陳皮灰

五分

右為末先用綿枝子纏去膿另用綿裹藥作九塞

耳內

四物三黃湯

百十三

治目赤暴發雲翳赤腫痛不可

忍

當歸

川芎

芍藥

生地黄

各一錢

羌活

防風

黃芩

龍膽草

甘菊花

黃連

各八分

玄參

薄荷

各五分

右用水一鍾半煎八分食後通口服

石膏羌活散

百十四

治久患兩目不見光明遠年近

日內外氣瘴風熱上攻昏暗拳毛倒睫一切眼疾

並宜服之

羌活

治腦熱頭風

蜜蒙花

治羞明怕日

木賊

退翳障

白芷

清利頭目

蘇子

起拳毛

細辛

起倒睫

川芎

治頭

風

蒼木行氣開鬱

石膏去胃熱

甘菊花明目去風

黃芩退肺火

荊芥治目中生瘡

藜蘆治偏正頭風

甘草和諸藥各等分

右為末每服一錢至二錢食後臨臥用蜜水一盞

調下或清茶亦可日進三服十日漸明二十日大

驗此方治數十人俱効後人加當歸枸杞子梔子

仁連翹柴胡薄荷防風桔梗天麻各等分為小丸

服亦効

加味羊肝丸百十五

治一切目疾翳膜內外障

白乳羊肝一具以竹刀割開去膜蒸熟搗如泥

甘菊花五錢

黃連一兩防風去蘆

荊芥穗去梗淨

羌活各五錢當歸各五錢

川芎三錢

右為末羊肝泥和為丸如丸不就加少酒糊丸如

梧桐子大每服六七十丸食後漿水下臨臥茶清

下減半

育神夜光丸百十六

明目去翳障神効

當歸 酒浸洗全用烘乾

遠志 以甘草水煮去心

牛膝 去蘆酒洗

懷慶者佳

甘菊花 去梗葉

地骨皮 去木洗淨

甘州枸

杞子

去梗

兔絲子

酒洗去土再以酒浸經宿煮爛搗成餅晒乾聽用

懷生地黃

洗

懷熟地黃

酒洗煮爛二味同入石臼內搗如泥

右除地黃外共為末以地黃膏和勻煉蜜為丸如

梧桐子大每服六十九空心鹽湯食後溫酒臨睡

茶清送下

洗眼方 附

當歸

黃芩

黃連

銅綠

皮硝

白礬

各七分

各一錢

右藥以絹袋盛煎湯洗目極明去熱

又方 附

用王瓜

去穰

以皮硝裝入醃一宿待其硝吐

目極明

清胃散

百十七

治胃經風熱牙齒或牙根腫痛或牽

引頭腦俱痛或面上發熱竝治此方累用極効

當歸身

酒浸

黃連

生地黃

溫酒洗各一錢

升麻

二錢

石膏二錢

牡丹皮

去木一錢五分

右用水煎食後少時服

治風蟲牙疼痛不止

附

芫花

小麥

細辛

川椒

蜂房

食鹽

各一錢

右用水煎漱之勿嚥極効

白蒺藜散

百十八

治牙疼齦腫動搖常擦固齒

用白蒺藜不拘多少去刺為粗末每服五錢淡漿水半碗煎七八分去渣入炒鹽末一撮帶熱時時

漱之別無所忌然雖藥味不眾蓋單方之藥取効

甚速神仙秘旨云若人服蒺藜一年以後冬不寒

夏不熱服之二年老耆復少髮白復黑齒落更生

服之三年長生輕身今雖不作湯散服餌久而漱

之其効亦同

烏鬚固齒方

附

七月取旱蓮草連根一斤用無灰

酒洗淨用青鹽四兩醃三宿取出無油鍋內炒存

性時將原汁漸傾入炒乾為末每日清晨用一錢

刷牙連涎燕下此二方簡而效大

治陰虛氣鬱牙出鮮血方 百十七

川芎 當歸 白芍藥 生地黃 生甘草 減半

牛膝 側柏葉 香附 各等分

右用水一鍾半煎八分食稍遠服

治舌上無故血出如線不止用槐花炒為末摻之 附

治小兒走馬牙疳一時腐爛即死此方極効神速

用婦人溺桶中白垢火煨 錢一 銅綠 二分

各研和勻敷上立愈

既濟丹 百二十 治口舌瘡神効

用黃連乾姜等分為末搽上流涎即愈

附 治小兒口瘡不下乳食以白礬湯於脚上浸半日

頓寬試効再以黃柏 蜜炙 僵蚕 炒 等分為末傅瘡上

立下乳而安

蒼耳丸 附 治鼻流濁涕不止名曰濁淵

辛夷 去梗 五錢 蒼耳子 一錢 半 白芷 一兩

薄荷葉

五錢

右為末水丸彈子大每丸一錢每服二丸食後葱

茶湯下

治血熱入肺名曰酒瘡鼻此丸主之

百二十一

用苦參淨末四兩當歸淨末二兩和勻酒糊丸如

梧桐子大每服七八十九食後熱茶下一方盡立

効

喉痺十八症皆屬熱重者宜吐宜刺出血又針少商

照海二穴極効宜服冰梅丸此方治喉痺十八種

俱効

附

大南星

鮮者二十
五箇切片

大半夏

鮮者五十
箇切片

白礬

四兩

皂角

四兩去
核子淨

防風

四兩

鹽

四兩

桔梗

二兩

朴硝

四兩

棟七分熟梅子大者一百箇先將硝鹽水浸一周

時然後將各藥碾碎入水拌勻却將梅子置于水

中其水過梅子三指為度浸至七日取出晒乾又

入水中浸透又晒乾候藥水盡為度却將梅子入磁瓶密封之如霜衣起更妙若用時以薄綿裹之噙在口令津液徐徐嚥下痰出即愈一梅可治三人不可輕棄

青龍膽 附

治咽喉閉塞腫痛并單雙乳蛾大有神

効用青魚膽不拘數以好鴨嘴膽礬逐箇裝滿陰乾為末淨用三錢黑牛膽一箇以白礪砂裝入陰乾為末淨用二錢山豆根末一錢右三味和勻加

冰片三分點至蛾上或吹入神効此二方俱試効

過

牛旁子散

百二錢

治風熱上攻咽喉腫痛或生癰瘡

潰爛

牛旁子

二錢

玄參

去蘆

升麻

桔梗

去蘆

黃芩

犀角

鎊

木通

去皮

生甘艸

各一錢

右作一服水二鍾煎八分食後服

烏鬚羊脂丸

百二錢

不獨烏鬚髮亦能明目

黑羊肝一具竹刀切片擺磁盆內羊膽汁塗晒乾

日日將膽汁塗晒至百箇為上少則三五十箇惟

膽汁多為佳晒時以稀絹罩之免蠅灰點汗次用

當歸

四兩酒浸

熟地黃

用懷慶者酒蒸晒九次乾六兩

白芍藥

酒炒

川芎

何首烏

酒拌洗淨蒸晒乾各四兩

覆盆子

炒

旱蓮草

蒸過

山茱萸

酒浸去核晒乾淨肉各四兩

白茯苓

去皮切片人乳浸日晒夜露候乾

生地黃

懷慶者酒洗各四兩

壯血餘并童男童女髮自己髮胎髮不拘數俱用

花椒煎沸湯泡過洗淨晒乾入小瓦罐內黃泥塗

固濟炭火煨通紅埋地中三日取出去土敲破礮

刮下研入要以四兩為佳無則一兩亦可

右藥俱不犯鐵器各晒乾石磨磨為末另用熟地

黃十二兩用酒濃煎汁二碗去渣煮糊為丸如梧

桐子大每服空心酒下一百丸臨睡酒下七十九

極能烏鬚髮聰耳明目悅顏色

染鬚方

附

一方只用釀茶酒調煮起金花為度搽妙

五倍子

不拘多少去灰研入新鍋內炒存性再以青布兜脚踏成餅以瓦礫收每用一

錢

麥麩

炒黃色三分

白礬

二分

食鹽

二分

紅銅末

醋炒通紅再用醋淬研細收貯每用二分

右為細末用細茶五錢石榴皮柯子肉各一錢濃煎汁半酒盞調藥於小盞內以銅杓注水將藥盞放杓內漫火煮量入水平盞七分勿令水入盞內煮待藥面如綠雲色皺起為度次將皂角白礬洗淨鬚髮拭乾將盞內藥擦根并鬚數十次微火

烘略乾却盡將藥搽染鬚髮上以濕紙數層摺貼在鬚上外以青布兜之至天明鬚下乾了將溫溫皂角水洗淨根下若黑以指點油擦之少傾以指搽之如鬚乾燥以絹包核桃肉擦之連染二次如法其光潤可同生成者杓內煮藥水且留每夜擦根下一二次則不生白短根如同自然之妙

冬月諸症治例

內經云冬三月此謂閉藏水冰地圻無擾乎陽早臥

晚起必待日光若有私意若已有得去寒就溫無泄
皮膚使氣亟脫此冬氣之應養藏之道也逆之則傷
腎春為痿厥奉生者少○大抵冬氣嚴寒萬類潛藏
君子固密毋觸冒寒邪其觸目者即傷寒也悉遵仲
景法茲不詳及○冬三月太陽寒水用事水旺則火
受邪金寡於畏故喘嗽腹滿惡痛癥瘕積聚堅痞癩
疝下利清白吐利腥穢中風癱瘓屈伸不便厥逆等
症作矣治宜溫中散寒不宜攻下利泄今將冬月諸

症宜用諸方詳陳於左對症用之則發無不中矣

中風口禁先用通關散吹入鼻中候噴嚏口開次用
真正蘇合香丸姜汁調和灌醒後用此方治之

白朮 天麻 當歸 川芎 桂枝減 半夏

南星 陳皮各等分

右用水煎加竹瀝一盞姜汁半盞和服則漸舒矣

通關散百二十四

遼細辛去土 猪牙皂角去弦子炙

醫便

卷三

藜蘆 生用 五錢

右為末每用一字吹入鼻孔中得嚏為妙

愈風飲 百二 十五 治半身不遂手足欠利語言費力呵

欠嚏噴面木口眼歪斜寬弛頭目眩暈痰火熾盛

筋骨時痛頭疼心悸

川芎 一錢 二分 當歸 一錢 二分 生地黃 姜汁炒 八分

紅花 四分 酒洗 牛膝 八分 酒洗 半夏 一錢 姜製 熟地黃

姜汁炒 八分 橘紅 八分 鹽水洗 羌活 六分 防風 六分

天麻 一錢 南星 姜製 一錢 白茯苓 一錢 黃芩 八分 酒炒

薄桂枝 六分 冬月七分 酸棗仁 八分 炒 白朮 一錢 五分

甘草 多四分 白芍藥 二錢 酒炒 黃柏 三分 酒炒 夏月五分

右作一服水二鍾煎一鍾臨服入姜汁淡竹瀝各

三茶匙清晨溫服此藥活血消痰疎風順氣走肌

表利關節累用極効冬寒之月減黃芩三分加炮

川烏二分桂亦減半風病減川烏桂俱不用羌活

風家要藥若冬有遇有感冒加至一錢故治風莫

先於順氣順則痰清火降而風自息矣

烏藥順氣散

百二十六

治男婦風氣攻注四肢骨節疼

痛遍身麻痺手足癱瘓語言蹇澁筋脉拘攣及脚

氣步履艱辛腰膝軟弱婦人血風并老人冷氣胸

膈脹滿心腹刺痛吐瀉腸鳴等症

麻黃

去節

陳皮

去白

烏藥

去木各一錢半

川芎

枳殼

炒麩

白芷

白姜

炒去絲

乾姜

炒四分

甘草

桔梗

各八分

右用姜三片葱白三寸水酒一鐘半煎八分食遠

服○拘攣加木瓜石斛

各八分

○濕氣加蒼朮白朮

各一錢

檳榔

七分

○脚氣浮腫加牛膝五加皮獨活

各八分

分

○遍身疼痛加官桂

五分

當歸

一錢二分

乳香沒藥

各七分

分另研和服

○腰疼加杜仲

一錢

大茴香

七分

○虛汗去麻

黃加黃芪

一錢半

○潮熱去乾姜加黃芩柴胡青藤

根

各八分

○胸膈脹滿加枳實莪朮

各八分

○腋間疼

痛加虎脛骨石楠葉青木香

各八分

○頭眩加細辛

五分芽茶七分手足不能舉動加防風川續斷威靈仙

錢各一 ○陰積浮腫合和五積散 ○四肢皆有疼痛

加川烏附子交桂各八分 ○麻痺疼痛極者合三五

七散 ○左癱右換加當歸天麻白茯苓各一錢 二三

年不能行者合和獨活寄生湯服 ○服人血氣加

防風荆芥薄荷各七分 風氣日夜疼痛午間輕夜又

重合和神秘左經湯

稀簽丸百二十七 治肝腎風氣四肢無力麻痺筋骨疼

痛腰膝痿弱亦能行大腸氣又治二十五般風眼

立瘥常服此丸必獲奇効其功不可具述

用稀簽草一味此草處處有之俗呼爲火欬草其

葉對節而生似蒼耳葉用五月五六月六七月七

九月九收採洗去土摘其葉不拘多少曝乾鋪入

甌中用好酒和蜜層層勻洒蒸之復晒如此九次

爲末煉蜜爲丸如梧桐子大每服四十九或五十

丸空心無灰酒送下

搜風順氣丸

百二
十八

治三十六種風七十二般氣上

熱下冷腰脚疼痛四肢無力多睡少食漸漸黃瘦
顏色不完惡瘡下痿風氣癱瘓氣塊老人小兒皆
可服大能補精駐顏疎風順氣

車前子

二兩
半

檳榔

大麻子

微炒去
殼另研

牛膝

酒浸
二宿

兔絲子

酒蒸搗
餅晒乾

枳殼

炒

郁李仁

湯泡去
皮另研

山藥

姜汁炒
各二兩

防風

去
蘆

獨活

去上各
一兩

山茱萸

去核淨
肉二兩

大黃

五兩
半生

煨半

右為末煉蜜為丸如梧桐子大每服三十九丸漸加

至四五十丸酒茶米飲任下百無所忌空心臨睡

各一服久服去腸中宿滯精神強健百病不生耳

目聰明腰脚輕健老者及少孕婦弗服如服藥覺

臟腑微動以羊肺羹補之又治腸風下血中風癱

瘓語言蹇澁百病皆治老人尤宜

冬月正傷寒悉遵用仲景治法不可移易惟內傷生

冷外感風寒頭疼發熱肩背拘急心腹痞悶嘔逆
惡風四肢浮腫寒熱往來腰膝疼痛及婦人經候
不調並宜服生料五積散百二十九

目川芎各一錢 當歸各一錢 白芍藥各一錢 枳殼 白芷

麻黃去根 半夏各一錢 厚朴 官桂

乾姜 桔梗 茯苓 陳皮各八分 蒼朮一錢半

甘草五分

右用姜五片葱白二根水二鍾煎一鍾溫服甚效

○足浮腫加和五加皮散○老人手足疼痛加和

順元散○手足風緩加和烏藥平氣散○四肢濕

痺加和烏藥順氣散○因濕所感加和枳蘇散○

已成風痺加羌活獨活防風○婦人經不調加柴

胡生地黃

加減消風百解散百三十一 治冬月傷感風寒頭痛項

強壯熱惡寒身體煩痛四肢倦怠痰壅喘嗽涕唾

稠粘自汗惡風並宜服

川芎 白芷 陳皮 各一錢 蒼朮 半一錢

紫蘇 一錢 麻黃 去根一錢半 桂枝 八分 甘草 五分

右用姜三片葱白二根烏豆一撮水一鍾半煎一

鍾溫服以汗為度無汗再服

清肺飲子 百三十一 欬謂有聲肺氣傷而不清嗽謂有

痰脾濕動而生痰欬嗽者因傷肺氣而動脾濕也

病本雖分六氣五臟之殊而其要皆主於肺蓋肺

主氣而聲出也治法雖分新久虛實新病風寒則

散之火熱則清之濕熱則瀉之久病便屬虛屬鬱

氣虛則補氣宜加四君子血虛則補血宜加四物

湯鬱則開鬱宜加撫芎香附兼痰則消痰宜加半

夏瓜萋仁滋之潤之欬之降之此治嗽之大法也

杏仁 去皮 白茯苓 各一錢 桔梗 甘草

五味子 各五分 橘紅 七分 貝母 一錢

右用姜水煎食遠服○凡嗽春多上升之氣宜清

肺抑肝加川芎白芍藥半夏 各一錢 麥門冬黃芩知

母各七分

○春若傷風欬嗽鼻流清涕宜清涼解散

加防風薄荷炒黃芩麥門冬紫蘇各八分 ○夏月多

火熱炎上最重宜清腑降火加桑白皮知母黃芩

門冬石膏各一錢

○秋多濕熱傷腑宜清熱瀉濕

加蒼朮桑白皮各一錢

防風五分黃芩山梔各七分 ○冬

多風寒外感宜解表行痰加黃麻桂枝半夏生姜

乾姜防風各一錢

○肺經素有熱者再加酒炒黃芩

知母各五分

若發熱頭疼鼻塞聲重再加藁本川芎

前胡柴胡各一錢

○有痰加半夏南星枳實○濕痰

脾困再加蒼朮白朮各一錢

○有痰而口燥咽乾勿

用半夏南星宜加知母蜜水炒

貝母瓜蒌仁黃芩各炒

○夏月熱痰或素熱有痰加黃芩黃連知母各一錢

石膏一錢半

○上半日嗽者胃中有火加貝母石

膏黃連各一錢

○五更嗽者加同上○黃昏嗽者火

浮於肺不可正用寒涼藥宜加五味子五倍子訶

子皮各七分

欬而降之○欬嗽日久肺虛宜滋氣補

血加人參黃芪阿膠當歸天門冬欬冬花馬兜苓
 酒炒芍藥之類肺熱喘欬去人參用沙參此兼補
 血氣也○午後欬者屬陰虛即勞嗽也宜補陰降
 火加川芎當歸白芍藥熟地黃黃栢知母天門冬
 瓜蒌仁各一錢竹瀝姜汁傳送此專補陰血而降火
 也○火鬱嗽謂痰鬱火邪在中宜開鬱消痰用訶
 子皮香附童便製瓜蒌仁半夏麩海石青黛黃芩等
 分為末蜜丸噙化仍服前補陰降火條所加藥矣

治則成勞○痰積食積作欬嗽用香附瓜蒌仁貝
 母海石青黛半夏麩軟石膏山查枳實黃連姜炒
 各等分為末蜜丸噙化○勞嗽見血加阿膠當歸
 白芍藥天門冬知母桑白皮亦於前肺虛陰虛二
 條參用大抵欬嗽見血多是肺受熱邪氣得熱而
 變為火火盛而陰血不得安寧從火上升故致妄
 行宜瀉火滋陰忌用人參黃芪等甘溫補氣之藥
 然亦有氣虛而欬血者則宜用人參黃芪欬冬花

醫便 卷三
等藥但此不多耳○因欬而有痰者欬為重主治
在肺因痰而致欬者痰為重主治在脾但是食積
成痰痰氣上升以致欬只治其痰消其積而欬
自止不必用肺藥以治欬也

喘嗽遇冬則發此寒包熱也解表熱自除喘嗽亦止
附

枳殼 桔梗 麻黃 防風 陳皮 黃芩
木通 紫蘇 杏仁各等分

右用姜三片煎服

治風寒鬱于肺夜嗽者宜此方取痰清嗽止亦治喘
哮附

麻黃不去節根 杏仁不去尖 甘草生減半 知母
貝母各一錢

右用姜三片水煎服有熱加黃芩一錢

小青龍湯附 治寒嗽極効方見春類

治男人痞塊女人血塊此方極効此藥性不猛而

功效速

阿魏一兩

木耳四兩 為末

生漆濾去渣 淨四兩

蜜六兩

右用錫罐一箇盛藥封固放鍋內水煮三炷香了
取起冷定每服二茶匙燒酒送下日進三服忌油

膩魚發物

瓦壘子九百三十二

治血塊丹溪云消血塊極効

瓦壘子即花蚌也取殼燒以醋淬三次為末醋膏

丸如梧桐子大每服七十丸酒下能消一切血氣

癥瘕兼能消痰飲

蜀葵膏附用蜀葵根煎湯去渣再入人參白朮青皮

陳皮甘草稍牛膝各等分煎成湯入研細桃仁玄

明粉各少許乘熱飲之二服當見塊下如病重者

須補接之後加減再行此方且攻且補亦有至理

通玄二八丹百三十三治腹內飲食宿滯積聚止瀉痢

之妙藥如治積聚清晨用姜湯服稍瀉二三行即

除却以溫粥補住如治瀉痢食後用清茶服之即

止能行能真仙方也

黃連

半斤

白芍藥

五錢

當歸

五錢

烏梅

去核五錢

生地黄

五錢

右為末用雄猪肚一箇以藥盛於內用線縫之用
韭菜二斤鋪甑底於鍋內蒸之候湯乾再添水蒸
一日以藥熟為度就猪肚共藥石臼內搗爛為丸
如梧桐子大每服七十九照前引下

追蟲

黑牽牛

四兩半

檳榔

二兩

右二味為末每服大人三錢小兒一錢半五更空
心滾水調下凡服藥須上半月蟲頭向上有效若
下半月蟲頭向下則不效矣

治痞結年久成龜鱉者累用極效

附

用老軍需一味春夏用莖葉秋冬用根不拘多少
用好生酒一確外用鯽魚一雙和藥同入確內日
落時煮以魚熟為度令患人先食魚次飲酒撲至
次早去大小便見物下即是效如不應連服三五

次追其物無跡神効妙不可言而仁人君子切不可輕忽

按本草云老軍需春夏秋冬常有青出衆草爲尊莖藤青葉似檳葉而尖小根如鬚白似芋頭根牽藤而去俗名社公口鬚亦治腫毒採根搗生酒服渣敷患處

治疔積氣塊神方附其症初則如彈漸長如刀或如梭如碗形狀不同令人而黃體瘦飲食少思久治

不痊服此方二月漸消三月斷根

用猪澁皮七箇卽猪赤膜新針七箇每澁皮用針一箇將針刺破內外外用好明淨皮稍七錢研爲細末擦於澁皮上醃七日取出用鐵器焙乾研爲細末再用水紅花子七錢焙乾爲末與前末和勻每服三錢清晨無灰好酒調服忌生冷房室惱怒不論男婦老少腹之左右並皆治之若頻服五七料大便下濃血卽是効驗切不可用別藥補之爲

效此藥只可春秋冬合夏恐壞了泄皮若夏月急
用將泄皮醃懸放井中一七取出用之亦妙

烏梅丸 百三十四

治酒積消食積化痰飲神效

烏梅 去核淨肉半斤

半夏 四兩

生姜 自然汁半斤

白礬 四兩

右先將半夏烏梅粗末次將白礬化開并姜汁共
前未拌勻新瓦二片夾定炭火上焙三日三夜以
乾為度次入神麩麥芽陳皮青皮莪朮枳殼丁皮

枳殼各二兩共為細末酒糊為丸如梧桐子大每
服五十九丸食遠姜湯下

按此方治酒積極效

治一切水腫單腹脹蠱脹氣虛中滿神效煎方

百三十五

茯苓皮 草果皮 五加皮 大腹皮

甘草皮 牡丹皮 地骨皮 生姜皮

木通皮 木瓜皮 大腹子 車前子

葶藶子 兔絲子 紫蘇子

共咀片水二鍾煎至八分服之如要斷根者將十
 五味藥等分爲細末各一錢五分雄猪肝一箇不
 下水者先將溫水煮一滾用竹尖鑽孔數箇入藥
 在內蒸熟切片搗蒜蘸食之不過一二箇永不發
 調中健脾丸 百三 治單腹脹及脾虛腫滿膈中閉
 塞胃脘作疼並皆神效此藥不傷元氣服有大益

- 白朮 一兩黃土 水拌炒
- 人參 二兩
- 白芍藥 二兩半 火煨
- 黃芪 二兩 蜜炙
- 陳皮 三兩 鹽 水拌炒
- 半夏 三兩 湯 炮七次

蒼朮

二兩米泔 浸一宿炒

茯苓

二兩

香附

三兩童便 浸一宿

澤瀉

二兩 半炒

紫蘇子

一兩 半炒

黃連

二兩半吳萸 水浸一宿炒

去黃 不用

蘿蔔子

一兩 半炒

薏苡仁

三兩 炒

山查肉

三兩 炒

草薢仁

一兩半 酒拌炒

五加皮

二兩 炒

沉香

六錢另研 不見火

瓜蒌

煨一

煨瓜蒌法

附

用大瓜蒌二箇鑿一孔每入川椒三錢

多年糞穰二錢敲米粒大俱納入瓜蒌內外以綿
 紙糊完再用細紙筋搥泥封裹完固晒乾入火內

煨通紅為度取出擇去泥與黑皮一併入藥

右共為細末煎薄荷大腹皮湯打黃米糊為丸如

梧桐子大每服百丸日進三次白湯下

治心腹痛煎方附

半夏一錢二分 茯苓 陳皮各八分 甘草炙四分

川芎一錢 蒼朮一錢 梔子韭根汁炒二錢

黑乾姜炒成炭七分存性

右用生姜三片水煎服

仙方沉麝丸百二十七 治心痛腹痛氣痛不可忍三服

除根

沒藥 血結 沉香 辰砂各五錢另研

麝香三錢另研 木香一兩

右各研為細末和勻用甘草熬膏為丸如芡實大每服三丸不拘時姜盪湯嚼下婦人產後血氣刺痛極效若加當歸琥珀各一兩乳香五錢名神仙聚寶丹治心腹痛及婦人血氣腹痛其效尤速親

見服者永不再發

青娥丸 百三十八

治腎虛腰膝足痛滋腎益陰壯陽久

服奇効

破故紙

川者佳洗淨酒浸少時隔紙炒香四兩

杜仲

四兩去粗皮姜汁炒

去

川草薢

真者四兩一兩鹽水一兩米泔水一兩重便一兩無灰酒各浸一宿

乾

胡桃肉

湯泡去皮入兩

黃柏

蜜炒四兩

知母

蜜炒四兩

壯牛膝

去蘆酒洗淨四兩

右為末春夏用糯米糊秋冬煉蜜將胡桃肉搗爛

為膏和勻搗千餘下丸如梧桐子大每服七八十

丸空心塩酒或塩湯下以乾物壓之

當歸活血湯

百三十九

治寒濕氣血凝滯腰痛

當歸

酒浸

杜仲

姜汁炒去絲各五錢

赤芍藥

白芷

威靈仙

各三錢

肉桂

一錢

右用水酒各一鍾煎至一鍾空心服加羌活二錢

防風一錢亦好

頭痛一症屬痰者多有熱有風有血虛此方為主加

對症藥立効 附

片黃芩

酒浸炒 一錢半

蒼朮

防風

白芷

羌活

各一錢

細辛

六分

右用姜三片水煎食略遠服

左痛屬風與血虛加川芎當歸

各一錢半

荆芥薄荷

各八分

○右痛屬痰加半夏

一錢半

茯苓陳皮

各一錢

甘草

生三分

○瘦人多兼熱倍用酒芩少佐石膏肥人多

是濕痰加川芎南星半夏

各一錢

倍蒼朮○痰厥頭

痛非半夏不能除頭旋眼黑風虛內作非天麻不能除竝宜倍用之

治脚氣方

百四十

累試神効絕勝諸方

麻黃

三兩去根 留節炒黃

姜蚕

三兩炒 為末

沒藥

乳香

另研各五錢

丁香

一錢

右各另研為末和勻每服一兩好酒調下取醉汗出至脚為度蓋俟汗乾即愈後用五枝湯洗用桃柳梅槐桑採嫩枝煎湯先飲好酒三盃再洗脚住

醫便 卷三
痛為妙

治諸疝海上方

附

用黑雄猪腰子一對不見水去膜并肉血切片用
大小茴香各二兩俱炒為粗末同腰子拌勻再以
前猪尿胞一箇入腰子茴香末於內札住用生白
酒三碗入砂鍋懸煮乾至半碗取胞切碎連藥焙
乾為末將前煮藥剩酒打麵糊為丸如梧桐子大
每服七十九空心好酒下立効除根永不再發

秘方治外腎被傷偏墜腫大

附

用雄麻雀三五箇去腸肚每箇用白礬一錢裝肚
內以新瓦二片將雀放瓦中兩頭塩泥封固以火
煨通紅取出存性為末每服一錢空心好酒調下
一隻盡全愈此方家傳累用神効

治小腸氣痛方

附

用水饅頭二兩台烏藥三兩大茴香五錢右三味
炒紅研碎後用羌活陳皮防風枳殼各一兩五錢

連前和勻為粗末每服一兩水一鍾酒一鍾煎八分空心服三服即消此方亦試有效

治腸風臟毒痔漏秘方百四

用大雄雞一隻單地板上不與食伺其饑甚別移於淨地上用猪胰四兩切碎漸喂雞待其放屎漸收下如此二三日候磁屎積至四兩晒乾加入後藥

透明礬兩四 千葉雌黃雄黃各六錢 膽礬五錢

朴硝二兩

石各另研為粗末用砂鍋須要寬高貯藥之餘上有半節空者先以雞糞一兩在鍋底次以明礬一兩次以膽礬次以雌黃次以朴硝次以雄黃後盡以明礬在內次加雞糞在上然後以新碗蓋鍋頂簇炭火煨青煙盡為度候令取出入石碾研為極細麩再加乳香沒藥各五錢各研極細和勻以小口磁罐收貯用時唾津調勻於手心以新筆蘸點

患處日三五次夜二次先以羊毛筆蘸溫湯洗淨
 軟絹拭乾然後點藥庶得藥力透肉點後黃水瀝
 出不止最妙雖多不妨三日後其痔自乾枯剝落
 倘硬煎湯頻洗白脫腸自紅軟收上忌毒物酒色
 一月即除根矣內服後方

加味臟連丸

百四

治飲酒食炙熱毒下墜為腸風

臟毒痔漏下血

用雄猪大臟一副去兩頭各七寸用黃連去毛淨

末一斤槐花淨末四兩裝入臟內令滿用繩杜兩
 頭口上用小麥數十粒放甌上蒸三時以臟黑取
 看小麥極爛為度入石臼搗如泥丸如菉豆大每
 服百丸空心薄酒下按此方藥價廉而功極大膏
 梁酒色尤妙

膽槐丹

附

十月上巳日取槐角子揀肥嫩結實者用

新黃瓦盆二箇如法固濟埋於背陰墻下約二三
 尺深預先尋黑牛膽五六枚臘月八日取出裝在

膽內高懸陰乾至次年清明日取出新磁罐收貯
 空心滾白湯下一日一粒二日二粒以漸加至十
 五日服十五粒止以後一日減一粒至三十日復
 減至一粒止如此周而復始治一切痔漏功效如
 神

治脫肛 附

用屋簷前蜘蛛大者一箇去頭足烘研為末以生
 桑葉盛之托肛頭上薰半刻即進去親試神效

真人活命飲 百四十三 一切癰疽腫毒口是熱勝血陰

陽相滯而成此方極效

川山甲 三六片以蛤粉炒去粉淨用 天花粉 一錢 白芷 一錢

甘草節 一錢 貝母 一錢去心 乳香 一錢另研藥熟下

防風 去蘆七分 沒藥 五分另研藥熟下 皂角刺 五分

當歸 酒洗一錢半 金銀花 三錢 陳皮 一錢五分去白

在背俞皂角刺為君 ○ 在腹白芷為君 ○ 在胸加
 瓜蒌仁 二錢 ○ 在四肢金銀花為君 ○ 疔瘡加紫河

箒

三錢即金線重
婁如無亦可

右用金華好酒二鍾煎一鍾溫服煎法須用大瓦
瓶以紙封固勿令泄氣服時須辨其癰上下上則
飽服下則饑服能飲酒者再飲數杯此藥不動臟
腑不傷血氣忌酸物鐵器服後即睡覺痛定即回
生矣其方神功結大不可臆度此劑當服於未潰
之先已潰不可服

一黃散

一名陰
陽黃附

治發背癰疽疔瘡惡節一切無名

腫毒惡瘡異症欬熱疼痛初起未潰者服之妙

錦紋川大黃

二兩一平炭火煨熟
不可過性了一半生

大甘草節

二兩

右為細末每服一匙空心溫酒調下一二服以利
為度立効如無甘草節終効不速

神仙臘礬丸

附

消癰疽及腸癰托裏消毒固臟腑護

膜止疼

黃蠟

真者
二兩

明淨晉礬

三兩

右先將黃蠟溶開離火候少溫入白礬和勻衆手
急丸如梧桐子大每服五十九丸食前酒下每日二
服

按陶節菴曰予詳此方不惟定痛生肌而已護膜
止瀉消毒化膿及癰疽內生化毒排膿托裏之功
甚大或金石丹藥發疽非此莫能治更用白礬一
兩每服一錢溫酒調下尤効有遍身生瘡狀如蛇
頭名曰蛇頭瘡尤宜服之每月育丸方有功效若

蛇蝎并一切毒蟲所傷以礬溶化熟塗患處內更
服之其毒卽解誠外科之要藥也服至四兩之上
愈見其功大宜其癰疽潰後脉之甚穩腸癰尤妙
服此卽保無虞真良方也

神仙太乙膏

百四

治癰疽及一切瘡毒不論年月

深淺已成膿未成膿者竝宜用之如發背先以溫
水淨洗軟帛拭乾用緋絹攤貼之更用冷水送下
其膏可收十餘年不壞愈久愈烈又治瘰癧瘡竝

用鹽湯洗貼仍用酒下百丸婦人經候不通作丸
甘草湯下一切疥瘡用麻油煎滾取少許和膏塗
之虎犬蛇蝎湯火刀斧傷者背宜內服外貼

玄參 白芷 赤芍藥 當歸 生地黃

肉桂 大黃

各一兩

右切片用麻油二斤入銅鍋內煎至黑濾去渣入
黃丹十二兩再煎滴水捻軟硬得中卽成膏矣
製丹法 用黃丹先炒紫色傾入缸內用漆水一

之再吸涼水滿缸用漆常攪浸一宿去水再
炒如前二次研末用

按陶節菴云予嘗用此膏治瘡毒并內癰有奇効
忽一婦月水不行腹結塊作痛貼臍下經行痛止
後隨症外貼內服無有不効者楊梅瘡潰爛者尤
効愈見此方之妙也

彭幸菴都憲治發背方 附 凡人中熱毒眼花頭暈口
甘舌苦心驚背熱四肢麻木覺有紅暈在背後邪

取槐子一大抄揀淨鐵杓內炒褐色用好酒一碗煎滾去渣熱服酒盡大汗卽愈如未退再依前煎服縱成膿者亦無不愈此三十年屢用屢驗之奇方也

忍冬花酒

卽金銀附花也

治一切癰疽發背疔瘡乳癰便

毒喉閉乳蛾等症不問已潰未潰用金銀花連莖葉搗爛取汁半鍾和熱酒半鍾熱服甚者不過三五服卽愈如無鮮者用乾的一二兩水一鍾煎半

鍾沖上熱酒半鍾和服此二方其藥易得其功甚

大山鄉僻邑無醫之處尤宜知此法以備不虞

治癰疽發背灸法

附

累用累驗凡人患癰疽發背已

結未結赤熱腫痛先以濕紙覆其上其紙先乾處卽是疽頭結處取大瓣蒜切如三錢厚安在頭上用大壯艾灸之三壯換一蒜痛者灸至不痛不痛者灸至痛方住最要早覺早灸爲上纔發一二日十灸十愈三四日十灸七愈五六日三四愈過七

日則不宜灸若有十數頭作一處生者用蒜研成膏作餅納瘡頭上聚艾灸之亦能安也若背上初起未腫內有一粒黃如粟米即用獨蒜切片如前法灸之次日去痂膿自潰矣極效不可言

夏枯草湯附 治瘰癧馬刀已潰未潰或日久成漏者

用夏枯草六兩水二鍾煎至七分去渣食遠服此生血清熱治瘰之聖藥也虛甚宜煎濃膏兼十全大補湯加遠志貝母香附和服并以膏塗患處佳

二奇湯百四 治楊梅瘡疔瘡便毒四服其毒即化

為膿從大便瀉出極妙故名二奇也并治諸腫毒初起亦効

金銀花二錢 赤芍藥 甘草節 川山甲蛤粉炒各

一錢 白蒺藜去刺 白僵蚕炒 連翹

當歸尾各一錢半 蜈蚣一條去頭足尾 大黃虛人三錢實人五錢

皂角刺一錢

右用水酒各一鍾煎一鍾病在上食後服病在下

食前服

附治楊梅瘡神祕二方先服四帖後服三帖七日全好經驗過

防風 皂角刺 天門冬 黃芩 瓜蒌仁

金銀花各五分 當歸 熟地黃 木瓜

薏苡仁 紫花蒂丁 白鮮皮 木通各一分

甘草三分 土茯苓四分

右用水三鍾煎二鍾作二次服渣再煎此方先服

又方後服附前方去木瓜木通紫花蒂丁白鮮皮四

味加桔梗七分減土茯苓二兩半照前煎服忌椒酒煎

炙牛肉茶房室

按此二方先服効速毒即出而易好後服平和而

瘡自內消

一方大黃一兩後下百麻一兩威靈仙一兩連喬三錢川山甲三炒

錢蟬蛻二錢生羊肉一觔用水五碗煮羊肉以熟為度

其汁入前藥煎至一碗先食羊肉或塩或醬油食

之後服煎藥大黃不可熟候半月後再一服即愈

治痺瘡搽方

附

見効極速用多年墻上白螺螄殼不

拘多少洗去土淨火煨研為極細麵用六分上好

眼藥杯四分水片五厘另研和勻米泔水洗淨瘡

拭乾將藥搽上就結廬勿爬破恁其自落已試驗

過

又方

附

紅毬

燒灰存性五錢

乾挑

樹上乾者燒灰存性五錢

爐甘石

火煨黃色童便淬七次二錢半

右為細末臨搽入片腦少許其瘡先用椒蔥湯

淨後以藥搽上三次即愈已試驗過

五虎湯

百四六

治魚口瘡俗名便毒已成者用潰末

成者即散

五靈脂

木鱉子

去殼

川山甲

蛤粉炒

白芷

各二錢五分

大黃

實人一兩虛人五錢

右作一服水二大鍾煎一鍾空心服利五七行即

好一方加全蝎五分殭蚕二錢尤妙

治癰妙方

附

川槿皮

滑石

白薇

各三錢

鷹糞

七分

班貓

去翅頭
足十箇

蚯蚓泥

乾一錢
七分

青娘子

紅娘子

各四箇

右為末井花水調厚敷患處多年者五次新近者

三次除根

治風癰膿瘰癧疥瘡煎方一應諸瘡毒皆宜服無不効

者

百四
七

當歸身尾

一錢半

赤芍藥

黃芩

黃連

黃柏

各一錢

大黃

三錢七分

防風

八分

木鱉子

一箇
去殼

金銀花

苦參

各一錢二分

右用水一鍾酒一鍾煎至一鍾後下大黃煎三四

沸取起露一宿五更服若腸風臟毒下血去木鱉

子加槐花

一錢

大楓膏

附

搽膿瘰癧瘡神効先服前煎藥二服再搽

三五日全可

大風子

去殼四十九箇

杏

不去皮尖四十九箇

川椒

· 枯礬

輕粉

水銀代亦可

蛇床子

另研淨末

樟腦

各三

錢 蜂窩

火燒存性

蛇蛻

火燒存性各三分

柜油燭

三兩

右將諸藥研細以柜油燭化開和勻調塗三五日即愈

治濕瘡并癩瘡膏

百匹八

黃蠟

一兩

頭髮

一拳大

香油

一兩

輕粉

二錢另研

猪膽

二箇

右先將香油熬四五沸次下黃蠟又熬四五沸再

後下頭髮文火熬用槐柳條不住手攪候髮消化

濾淨後下輕粉略熬一時取起放磁碗內冷水浸

少頃即成膏一切濕瘡癩瘡貼半日黃水流拭

乾加藥再貼一七全愈

又方 用大楓子肉杏仁松香花椒葱頭搗爛作餅

如瘡樣貼之每日一換貼膏時用米泔水洗之

又癩瘡方

附

黃丹

官粉

各等分為末

用油紙將黃臘溶化塗紙上將藥搽貼瘡上立效

治膿瘡海上方 附 賽隔紙膏一七全愈

嫩槐條

四寸九分

嫩柳條

四寸九分

頭髮

一尺長四十九根上

三味燒灰存性為末

川椒

四十九粒

輕粉

真者三錢

黃臘

一兩

香油

一盞

右將香油黃臘熬熟放冷却下輕粉次下三味灰末攪勻用厚綿紙如瘡大十二片將藥塗盡其瘡先用黃栢荆芥湯洗淨將十二片紙重重貼上以

繩縛定其痒不可當次日除去貼肉一層又以前湯洗淨再貼六日除去六層全好此絕妙法也

治脚指縫爛瘡 附

用鮮鵝掌黃皮陰乾燒灰存性為末乾搽極効

治手足凍瘡 附

用冬瓜皮乾茄根二味煎湯熱洗不過三次即効

治熱瘡遍身發出膿血赤爛如火丹或如火燒者

百四九

黃連

黃栢

各三兩

赤小豆

菜豆粉

各一兩

寒水石

紫草

漏蘆

各七錢

右為末用香油調搽一日三次即愈

治火丹用黃鱧頭上血塗即愈如冬月無以螺螄肉

搗爛絞汁塗之亦可

附

治湯泡火燒方先以臘酒冷洗以拔其毒再用雞旦

十餘箇煮熟去白以黃炒焦黑取油約一盞用大

黃研末二兩調勻敷上三日全好無瘡痕

附

治四塊鵝掌風

百五十

用千里光草一大握蒼耳草

一中握朝東墻頭草一小握共入瓶內水煎百沸

以手少擦麝香以瓶薰之仍用絹帛繫臂上勿令

走氣薰三次即愈

千里光草即金釵草是也

治脚墊毒人脚走長路緊被石塊脚底墊腫

行步痛不可忍急用舊草鞋浸於尿桶內一宿或

半日外用新磚燒紅將浸草鞋放在磚上以腫脚

踏在上火逼尿氣入裏即消此症諸方不載如不

醫便
卷三
早治爛人脚甚至殺人走長路脚腫痛亦可用此
法即消

治拍蟹毒

百五

人大指次指隔界處忽生腫毒痛

不可忍若不早治必爛人手用鮮蟹研爛塗患處
立消

附

治身上虛痒用四物湯加黃芩煎調紫背浮萍末

一錢或菱霄花末一錢尤妙

醫便卷三終



三
仲
秋

